

ennemis les Hiroquois, nous leur difmes que nous receurions les garçons, mais que les filles ne couchoient point en nos maifons, ces pauures petites Sauuages ne vouloient point fortir, enfin nous nous auifafmes de prier Monsieur Gand de les receuoir, ce qu'il fit fort volontiers les faisât dormir auprès d'vn bon feu. Ils firent le mefme quelque autre fois, & toufjours nous prenions les garçons & les filles se retiroient en la chambre de Monsieur Gand, les matins nous les faisons prier Dieu, & les renuoions fort contens.

Le 2. iour de Mars. Monsieur le Gouverneur alla uifiter vn lac esloigné enuiron quatre [253 i.e., 249] lieuës de kebec. Il ne trouua point la d'autre hostellerie que la neige. Monsieur Gand & autres l'accompagnerent. Comme le froid estoit fort vehement, nous auions peur que la nuit n'endommageast leur fanté, car il la fallut passer entre le feu & la neige foubz le grand toict ou la grande voûte du Ciel, mais ils reuindrent fans autre mal qu'vne grande lassitude. C'est vn grand trauail que de cheminer fur la neige, notamment quand on ny est pas accoustumé. Si ce lac fit du mal en le cherchant, il fit du bien estant trouué, & en fera encor. Monsieur le Gouverneur y fit pefcher foubz la glace pendant le carefme, on y prit quelques carpes & des truites faumonées dont il fit plusieurs presens aux vns & aux autres, car il n'a rien à foy.

Le 9. du mois d'Auril, vn Sauuage admiré de fes gens pour estre grand mangeur, nous rencontrant le Pere de Quen & moy dās les cabanes se voulut vanter de fes proïeffe de gueule. L'ay nous difoit-il, mangé en vn festin la longueur de deux braffes de greffe